

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԴՐԱԿԱՆ ԴԱՏԱՐԱՆԻ

## ԱՇԽԱՏԱԿԱՐԳԱՅԻՆ ՈՐՈՇՈՒՄԸ

«2011 ԹՎԱԿԱՆԻ ՀՈԿՏԵՄԲԵՐԻ 28-ԻՆ ՍՈՍԿՎԱՅՈՒՄ ՍՏՈՐԱԳՐՎԱԾ՝ ԲԺՇԿԱԿԱՆ ՆՇԱՆԱԿՈՒԹՅԱՆ ԱՐՏԱԴՐԱՆՔԻ ԿԵՂԾՄԱՆ ԵՎ ՀԱՆՐԱՅԻՆ ԱՌՈՂՋՈՒԹՅԱՆ ՀԱՄԱՐ ՎՏԱՆԳ ՆԵՐԿԱՅԱՑՆՈՂ ՆՄԱՆԱՏԻՊ ՀԱՆՑԱԳՈՐԾՈՒԹՅՈՒՆՆԵՐԻ ՄԱՍԻՆ ԵՎՐՈՊԱՅԻ ԽՈՐՀՐԴԻ ԿՈՆՎԵՆՑԻԱՅՈՒՄ ԱՄՐԱԳՐՎԱԾ ՊԱՐՏԱՎՈՐՈՒԹՅՈՒՆՆԵՐԻ՝ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԴՐՈՒԹՅԱՆԸ ՀԱՄԱՊԱՏԱՍԽԱՆՈՒԹՅԱՆ ՀԱՐՅԸ ՈՐՈՇԵԼՈՒ ՎԵՐԱԲԵՐՅԱԼ» ԳՈՐԾԻ ԴԱՏԱՔՆՆՈՒԹՅՈՒՆԸ ՀԵՏԱԶԳԵԼՈՒ ՄԱՍԻՆ

Ելնելով այն հանգամանքից, որ ՀՀ սահմանադրական դատարանի 18.04.2014թ. նիստում քննության առարկա՝ Բժշկական նշանակության արտադրանքի կեղծման և հանրային առողջության համար վտանգ ներկայացնող նմանատիպ հանցագործությունների մասին Եվրոպայի խորհրդի կոնվենցիայի նախաբանում հղում է կատարվել՝ «Եվրոպական դեղագրքի մշակման մասին» կոնվենցիային /1964թ./ և դրա արձանագրությանը /1989թ./, «Դեղերի և կենսաբանական հավելումների կիրառման մասով մարդու իրավունքների և արժանապատվության պաշտպանության մասին» կոնվենցիա՝ Մարդու իրավունքների և կենսաբժշկության մասին կոնվենցիային /1997թ./ և դրա լրացուցիչ արձանագրություններին /1998, 2002, 2005 և 2008թթ./, որոնց Հայաստանի Հանրապետությունը մինչ օրս չի միացել, և այդ խնդրի վերաբերյալ լիարժեք տեղեկատվություն ստանալու անհրաժեշտությունից, Հայաստանի Հանրապետության սահմանադրական դատարանը **ՈՐՈՇԵՑ**.

1. Հետաձգել գործի դատաքննությունը և այն վերսկսել 2014 թվականի մայիսի 13-ին, ժամը 15.00-ին:

2. Սույն գործով ՀՀ Նախագահի պաշտոնական ներկայացուցիչ՝ ՀՀ առողջապահության նախարարի տեղակալ Ս. Խաչատրյանից պահանջել՝ երկշաբաթյա ժամկետում ՀՀ սահմանադրական դատարան ներկայացնել գրավոր տեղեկանք՝ վերոնշյալ միջազգային փաստաթղթերին Հայաստանի Հանրապետության չմիանալու իրավական հիմնավորումների և սահմանադրական դատարանում քննության առարկա կոնվենցիայի վավերացման շրջանակներում դրանց իրավական հետևանքների վերաբերյալ:

3. Հանձնարարել ՀՀ սահմանադրական դատարանի աշխատակազմի իրավախորհրդատվական ծառայությանը /միջազգային պայմանագրերի բաժին/՝

երկշաբաթյա ժամկետում ուսումնասիրել սահմանադրական դատարանում քննության առարկա կոնվենցիային դրա նախաբանում նշված՝ խնդրո առարկա միջազգային փաստաթղթերի առնչակցության և կոնվենցիայի վավերացման պարագայում դրանց իրավական հետևանքների վերաբերյալ հարցը և ներկայացնել համապատասխան գրավոր տեղեկանք:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՍԱՀՄԱՆԱԴՐԱԿԱՆ ԴԱՏԱՐԱՆԻ  
ՆԱԽԱԳԱՀ**

**Գ. ՀԱՐՈՒԹՅՈՒՆՅԱՆ**

18 ապրիլի 2014 թվականի  
ՄԴԱՌ-17